



Broj: 01 022-2016 /13
Banja Luka, 07-11 2013.godine

Na osnovu člana 24. Zakona o Upravi za indirektno oporezivanje ("Službeni glasnik BiH", broj: 89/05) i člana 61. Zakona o upravi ("Službeni glasnik BiH", broj: 32/02, 102/09), direktor Uprave za indirektno oporezivanje BiH, *donosi*

ODLUKU
o obilježavanju dana Uprave za indirektno oporezivanje

I

Određuje se 29. decembar, kao dan obilježavanja Uprave za indirektno oporezivanje.

II

Ova odluka stupa na snagu danom donošenja.

OBRAZLOŽENJE

Parlamentarna skupština Bosne i Hercegovine, na sjednici Predstavničkog doma održanoj dana 29. decembra 2003. godine i sjednici Doma naroda održanoj dana 29. decembra 2003. godine usvojila je Zakon o sistemu indirektnog oporezivanja u Bosni i Hercegovini („Službeni glasnik BiH“ broj 44/03, 52/04, 34/07, 4/08, 49/09, 32/13). Ovim zakonom je uspostavljen institucionalna i organizaciona osnova za jedinstven sistem indirektnog oporezivanja u Bosni i Hercegovini i podržavanje cjelokupne makroekonomske stabilnosti i fiskalne održivosti Bosne i Hercegovine, njenih entiteta i Brčko Distrikta i pružanje podrške funkcioniranju jedinstvene ekonomske teritorije u Bosni i Hercegovini. Zakon o sistemu indirektnog oporezivanja uspostavlja upravu za indirektno oporezivanje kao samostalnu upravnu organizaciju i kao jedini organ u Bosni i Hercegovini koji je nadležan za sprovođenje zakonskih propisa o indirektnom oporezivanju i politike koju utvrdi Vijeće ministara na prijedlog Upravnog odbora.

Polazeći od značaja i uloge Uprave za indirektno oporezivanje u funkcionisanju jedinstvene ekonomske teritorije BiH i doprinosu u održavanju makroekonomske stabilnosti i fiskalne održivosti Bosne i Hercegovine, Republike Srpske, Federacije BiH i Brčko Distrikta, ocijenjeno je prikladnim da se svake kalendarske godine na prigodan, svečan i javan način obilježi funkcioniranje, aktivnosti i postignuti rezultati u obavljanju poslova iz nadležnosti Uprave, kao i dodjeljivanje priznanja i nagrada.

Kako je Uprava za indirektno oporezivanje kao samostalna upravna organizacija uspostavljena Zakonom o sistemu indirektnog oporezivanja koji je usvojen 29.12.2003. godine, to je iz tih razloga za dan obilježavanja ove institucije određen 29. decembar, kao datum koji će se svake kalendarske godine obilježavati kao dan Uprave za indirektno oporezivanje.

Dostaviti: 01/1
01/3
a/a

